

# Հայաստանի պետական ազրարային համալսարանում ուսանողների գիտելիքների ստուգման, ստուգարքների և քննությունների անցկացման և գնահատման

## ԿԱՆՈՆԱԿԱՐԳ

1. Սույն կանոնակարգը կարգավորում է ուսանողների գիտելիքների անընդհատ ստուգման, ընթացիկ և կիսամյակային քննությունների ամբողջ առարկայից կամ դրա առանձին բաժիններից և տվյալ ժամանակահատվածում ուսանողի կատարած աշխատանքի գնահատման, ստեղծագործական մտածողության զարգացման, ինքնուրույն, սիստեմատիկ աշխատանքի հմտությունների ձեռքբերման, գործնական խնդիրների լուծման մեջ ստացած գիտելիքների կիրառման կարողության գործընթացը:

2. Ուսանողի գիտելիքների անընդհատ ստուգումը իրականացվում է առավելապես լաբորատոր, գործնական և սեմինար պարապմունքներին, որի կազմակերպումը պարտադիր է և որը նպաստում է ուսանողների գիտելիքների անընդհատ կուտակման ու կիսամյակի ընթացքում սիստեմատիկ աշխատանքներին, ինքնուրույն աշխատանքի զարգացման և ուսանող-դասախոս արտաժամյա (արտալսարանային) ուսուցման գործընթացին:

3. Ստուգարքները, որպես կանոն, ծառայում են ուսանողների կողմից կատարվող լաբորատոր, հաշվարկա-գրաֆիկական աշխատանքերը, կուրսային նախագծերի (աշխատանքների) կատարումը և պաշտպանությունը, գործնական ու սեմինար պարապմունքների նյութերի յուրացման ստուգման ձևը:

Ստուգարքները կարող են սահմանվել ինչպես առանձին առարկայից, այնպես էլ նրանց առանձին բաժիններից:

4. Ուսանողները պարտավոր են բոլոր ստուգարքները և քննությունները հանձնել ուսումնական պլաններին և գրաֆիկներին համապատասխան: Ուսանողները կարող են ստուգարքներ և քննություններ հանձնել նաև ընտրային առարկաներից, որոնց արդյունքները ուսանողների ցանկությամբ կարող են գրանցվել քննական տեղեկագրեր, ստոիզման գրքույկի, ակադեմիական տեղեկանքի և դիպլոմի ներդրի մեջ:

5. Ուսանողների գիտելիքների ստուգումները անց են կացվում կիսամյակի ընթացքում առարկայի առանձին մասերից, բաժիններից կամ թեմաներից անընդհատ ստուգումների, ընթացիկ և կիսամյակային քննությունների ձևով:

Կիսամյակում ընթացիկ (միջանկյալ) քննությունների քանակը սահմանվում է առարկայի տվյալ կիսամյակի դասախոսությունների ժամաձավալով:

շաբաթական 1 ժամ դասախոսություն ունեցող առարկայի (ների) համար կիսամյակում սահմանվում է մեկ ընթացիկ քննություն,

շաբաթական 2-3 ժամ դասախոսություն ունեցող առարկայի (ների) համար՝ երկու ընթացիկ քննություն,

շաբաթական 4 և ավելի ժամ դասախոսություն ունեցող առարկայի (ների) համար՝ երեք ընթացիկ քննություն:

Ուսանողի մասնակցությունը ընթացիկ քննություններին և հանձնումը պարտադիր է:

Բոլոր այն կուրսերում, որտեղ գործում է ուսանողների նպաստների նշանակման շրջափոխման (ռոտացիոն) համակարգը, տվյալ առարկայի նշված կիսամյակի վերջին ընթացիկ քննությունը կազմակերպվում է սեսիոն (կիսամյակային) քննության ժամանակ, սահմանվա գրաֆիկով:

6. Ընթացիկ քննությունների հանձնման և վերահանձման ժամկետները և ձևերը (գրավոր կամ բանավոր) ըստ քննական առարկաների սահմանվում են ամբիոնի կողմից համակարգվում է ֆակուլտետի դեկանատում: Ընթացիկ քննությունները, հարցաշարը, անցկացման ժամանակացույցը և կանոնները ամբիոնը ուսանողին տրամադրում է տվյալ կիսամյակի առաջին ամսվա ընթացքում: Ընթացիկ քննությունների հանձման համար սահմանվում է երկշաբաթյա ժամկետ, իսկ վերահանձնումը (այդ թվում նաև դրական գնահատականը բարձրացնելու նպատակով) թույլատրվում է մինչև հաջորդ ընթացիկ կամ տվյալ առարկայի կիսամյակային քննությունը:

7. Ընթացիկ քննությունների հանձման և վերահանձնումների արդյունքները գրանցվում են միասնական ձևի տեղեկագրերում և հանձնվում համապատասխան ֆակուլտետի դեկանատ:

Ընթացիկ քննությունների արդյունքները ըստ բաժինների, ուսանողի ստուգման գրքույկում չեն գրանցվում

Բոլոր այն կուրսերում, որեղ չի գործում ուսանողների նպաստների նշանակման շրջափոխման (ռոտացիոն) կարգը, ընթացիկ քննությունների արդյունքներով ուսանողի դրական ամփոփիչ գնահատականը ընթացիկ քննությունների տեղեկագրից և ուսանողի ստուգման գրքույկի մեջ: Ընթացիկ քննություններից որևէ քննական առարկայից դրական (“3” կամ “4”) գնահատականը ստացած ուսանողը իրավունք ունի, գնահատականը բարձրացնելու նպատակով, նույն քննաշրջանում տվյալ առարկայի քննության արդյունքը չի փոխանցվում հիմնական կիսամյակային քննության արդյունքների հիման վրա:

8. Հարգելի պատճառով ընթացիկ (միջանկյալ) քննություններին (ստուգումներին) չներկայացած ուսանողներին իրավունք է վերապահվում այն հանձնել և վերահանձնել մինչև տվյալ կիսամյակի տեսական ուսուցման վերջին շաբաթը, ըստ ամբիոններում սահմանված գրաֆիկի:

Քննաշրջանից հետո դրական գնահատականի բարձրացման նպատակով քննության վերահանձնում չի թույլատրվում: Բացառիկ դեպքերում, երբ տեսական դասընթացը ավարտած ուսանողը հավակնում է գերազանցության դիպլոմի, դեկանի և պրոռեկտորի առաջարկությամբ, ռեկտորի թույլտվությամբ կարող է վորահանձնել 1-ից 2 առարկաների քննությունները դրական գնահատականը բարձրացնելու նպատակով վերջին կիսամյակային քննաշրջանի ավարտից մինչև գրաֆիկով սահմանված պետական որակավորման քննությունների սկիզբը:

9. Կիսամյակային քննաշրջանում 1-2 առարկաների “2” (երկու) ստացած ուսանողը կարող է մարել ակադեմիական պարտքը (երը) գրաֆիկով սահմանված մարման շրջանում, որը հաջորդում է քննաշրջանին:

Առարկայական պարտքերի մարման վերջին ժամկետը սահմանվում է մինչև հաջորդ կիսամյակի սկզբի երկու շաբաթվա վերջը (եթե համապարանի կողմից այդ առումով ակլ որոշումներ չեն կայացվել):

10. Ուսումնական պլանով սահմանված ստուգարքները, կուրսային նախագծերի (աշխատանքների) պաշտպանությունը, հաշվարկագրաֆիկական աշխատանքները, ուսումնական և արտադրական պրակտիկաների հաշվետվությունների պաշտպանությունը, ուսանողները պարտավոր են հանձնել մինչև կիսամյակային քննաշրջանի սկիզբը, ամբիոնի և (կամ) դեկանատի կողմից սահմանված գրաֆիկով:

Նույն կիսամյակում ստուգարքով և քննությամբ ավարտվող առարկաներից ուսանողի ստուգարքը համարվում է հանձնված, եթե ուսանողը սիստեմատիկ հաճախել է դասերին և լիարժեք կատարել է բոլոր լաբորատոր-գործնական պարապմունքները:

Դեկանի հիմնավորված առաջարկության և ուսանողների կողմից սահմանված կարգով համապատասխան փաստաթղթերի ներկայացման դեպքում, ուսանողը կարող է թույլատրվել կիսամյակային քննություններին 1-ից 2 ոչ քննական (տվյալ կիսամյակում) առարկաների ստուգարքային պարտքերի առկայության դեպքում: Այդ ստուգարքները ուսանողը պարտավոր է հանձնել քննաշրջանում կամ առարկայական պարտքերի մարման ժամանակահատվածում:

11. Այն ուսանողները, ովքեր հիվանդության կամ այլ հարգելի պատճառով (հիմնավորված փաստաթղթերով) սահմանված ժամկետում չեն հանձնել ստուգարքները և քննությունները, ֆակուլտետի դեկանը սահմանում է ստուգարքների և քննությունների հանձման անհատական ժամանակացույց:

12. Ընթացիկ և կիսամյակային քննությունները անցկացվում են հարցատոմսերով (որպես կանոն երեք հարց): Ընթացիկ քննությունը անց է կացվում գրավոր կամ բանավոր (ամբիոնի որոշմամբ): Քննաշրջանում ուսանողների նպաստների նշանակման

13. Առարկայանակ քննությունները ընդունում է դասախոսություն կարդացող և լաբորատոր-գործնական վարող դասախոսները, ամբիոնի վարիչի մասնակցությամբ: Շրջափոխման (ռոտացիոն) կուրսերում առարկայական քննությունների

վերահսկմանը մասնակցում է նաև ֆակուլտետի ղեկանը (կամ տեղակալը), ռեկտորատի անդամը: Քննությունների վերահսկման ժամանակ ամբիոնի վորիչի մասնակցությունը պարտադիր է:

Գրավոր քննությունների արդյունքները ամփոփվում և բաց քննարկվում են տվյալ կուրսի ուսանողների հետ, որից հետո գնահատականները փոխանցվում են քննական տեղեկագիր: Առարկայական քննությունների կազմակերպման, անցկացման և գնահատման պատասխանատվությունը դրվում է տվյալ ամբիոնի վարիչի և քննող դասախոսի վրա:

14. Ստուգարքով ավարտվող առարկաներից ստուգարքը ընդունում են տվյալ դասընթացի դասախոսություն կարդացող դասախոսը և խմբի (ենթախմբի) լաբորատոր-գործնական (սեմինար) պարապմունքներ վարող դասախոսը, իսկ քննությամբ ավարտվող առարկայի ստուգարքը ընդունում է լաբորատոր-գործնական պարապմունքներ վարող դասախոսը, ամբիոնի վարիչի հսկողությամբ:

15. Քննաշրջանում ուսանողների գիտելիքները գնահատվում են “5-հինգ”, “4-չորս”, “3-երեք”, “2-երկու” գնահատականներով: Սկսած 2007-2008 ուս. տարվանից նպաստների նշանակման շրջափոխման (ռոտացիոն) կուրսերում քննությունների արդյունքները գնահատվում են նաև 20 միավորային համակարգում, հետևյալ սանդղակով՝

1-7.0 միավոր – “2” (երկու)

8-13 միավոր – “3” (երեք)

14-17 միավոր – “4” (չորս)

18-20 միավոր – “5” (հինգ)

Շրջափոխման բոլոր կուրսերում քննական տեղեկագրերում միաժամանակ գրանցվում է գիտելիքների գնահատման միավորը և դրան համարժեք գնահատականը թվերով և տառերով (օրինակ՝ տեսական մեխանիկա – “17” – “4” – չորս) իսկ ուսանողի ստուգարքային գրքույկում՝ գնահատականը:

16. Քննաշրջանում քննության չներկայանալը քննական տեղեկագրում նշվում է “չի ներկայացել” բառերով: Եթե ուսանողը գրաֆիկով սահմանված քննությանը (ներին) չի ներկայացել անհարգելի պատճառներով, ֆակուլտետի ղեկանը, առաջադիմության գրանցման մատյանում նշանակում է “2”-երկու գնահատականը (0 միավոր):

17. Տվյալ կուրսի ուսումնական պլանով նախատեսված տեսական լաբորատոր-գործնական առաջադրանքները և ուսումնա-արտադրական պրակտիկաները, բոլոր քննությունները և ստուգարքները հաջող հանձնած ուսանողները, ֆակուլտետի ղեկանի և պրոռեկտորի ներկայացմամբ, ռեկտորի հրամանով փոխադրվում են հաջորդ կուրս, իսկ ավարտական կուրսերի ուսանողները թույլատրվում են պետական որակավորման քննության:

18. Կիսամյակի ուսումնական ծրագրերը չկատարած ուսանողները, քննաշրջանում երեք տարբեր առարկաներից, կամ նույն առարկայից երեք անգամ “2”-երկու ստացած, ինչպես նաև ստուգարքային առարկայից երեք անգամ “չստուգված” ստացած և սահմանված ժամկետներում առարկայական պարտքերը չմարած (անկախ պարտք առարկաների թվից և ստուգման ձևից) ֆակուլտետի դեկանի և պրոռեկտորի ներկայացմամբ, ռեկտորի հրամանով հեռացվում է համալսարանից, համաձայն սույն և ՀՀ ԿԳ նախարարության հաստատած կանոնակարգերի:

19. 2007-2008թ սեպտեմբերի 1-ից ուժը կորցրած ճանաչել 2002թ. Նոյեմբերի 14-ի N 2 նիստում հաստատված “Հայկական գյուղատնտեսական ակադեմիայում ուսանողների գիտելիքների ստուգման, գնահատման և ստուգարքների և քննությունների անցկացման կանոնակարգը”:

Հաստատված է ՀՊԱՀ գիտական խորհրդում

2007թ հուլիսի 16-ին

(արձ. N 14)